

Hopi comerciante Hindu rabia y indigna

Indian Association of Aruba a mustra color politico y partidista

ORANJESTAD (AAN)— Den seno di ciudadanonan procedente di India na Aruba tin hopi turbulencia ultimo añanan y specialmente cerca esnan cu ya caba tin hopi decada na Aruba y mas bien ta considera nan mes como Arubiano, tin un disgusto grandi ta reina pa cu e forma con cierto di nan paisanonan ta comporta nan mes riba nos isla.

Den pasado varios di e grandinan di India na Aruba a cuestiona e forma con cierto comerciantenan di India kendenan a bin durante e ultimo 10 aña na Aruba, ta haci negoshi y tambe con nan ta mete den asuntonan local cu tardi of tempran lo trece tension y hinca e colonia procedente di India den un luz menos positivo.


Esnan cu hopi aña pasa a bin pa establece nan mes na Aruba mester a cana un caminda di cruz prome cu nan por a haya nan permit pa estadia y pa haci negoshi y no tabata facil pa nan por a reuni cu nan famia na Aruba.

Hopi aña di trabao duro y dedicacion na nan negoshi y crea confianza den pueblo a pone esnan di prome ora cosecha exito pa awe orguyosamente nan ta forma un parti esencial y respeta den nos comunidad, pero e grandinan ta cuestiona e forma con otronan cu ultimo añanan a bin Aruba y ta logra haya den un frega di wowo tur sorto di permit y tambe ta


★ **Dia di Himno y Bandera**



INDIAN ASSOCIATION OF ARUBA
TA PARTICIPA CU
CUMINDA DI INDIA



Fecha: 18 Maart 2005
Lugar: Cede di MEP Sta. Cruz
Prijs: Fls. 12,=



★

haci y deshaci cu un cantidad di regla.

Ayerá algun comerciante di India a cuestiona fuertemente e actividad cu Asociacion di India na Aruba ta bay tene durante dia di Himno y Bandera pasobra e biaha aki e

Asociacion di India ta mustra abiertamente nan color politico door di bay participa cu Cuminda di India na cede di MEP.

Asociacion di ciudadanonan procedente di otro paisnan mester tin e meta pa promove

y integra asuntonan intelectual y cultural di nan pais na Aruba y hamas por bay tolera cu asociacion di cualkier colonia biba na Aruba ta bay mete abiertamente cu politica y peor ainda si ta bay mustra color politico y asina pinta politicamente tur hende cu ta forma parti di cualkier colonia di extranhero na Aruba.

Ta pesey tambe hopi comerciante di India na Aruba ta lamenta y ta cuestiona severamente e bendemento di Cuminda di India riba dia 18 di Maart na cede di MEP.

Ciudadanonan procedente di India ta haya cu promocion di

e cushina di India y cualkier forma di promocion di e cultura di India na Aruba mester worde haci y teni na un lugar cu no ta mara na un partido of color politico.

“Esnan di partido MEP cu a aproba e metemento directo aki di Asociacion di India na Aruba den politica partidista a comete un eror grandi y historico y nan mes ta yuda fomenta un imagen erroneo den pueblo contra comerciantenan di India na Aruba”, tabata comentarionan haya for di comerciantenan di India cu ta teme pa e efectonan y consecuencianan politico cu e acto descabeya aki lo bay trece cune.

TELEFONNAN DI DIARIO
582-6747- FAX 582-8551

NO HAY PRIKBORD PARA TANTO CARA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Natural Bra

Afl: 35,=